



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 53. Ejusdem Myst. punct. 3.

[urn:nbn:de:hbz:466:1-60232](https://nbn-resolving.org/urn:nbn:de:hbz:466:1-60232)

MEDITATIO LIII.

*De primo Christi miraculo factō in
Nuptiis. Joan. 2.*

Myst. punct. 3.

CONG. Excitate desiderium cognoscendi Christi, sicut dictum est.

PRÆL. I. Quomodo Christus converterit ab uam in vinum: & manifesta verit gloriā suam.

PRÆL. II. Mentē iterum adire locum convivii.

PRÆL. III. Petere gratiam, Dei gloriā promovendi, per veram obedientiam.

PUNCTUM I. PERSONÆ. MEM. Videamus quomodo B. Virgo fuerit constituta, postquam audiverat à Christo, *nondum venit hora mea.* Joan. 2.

INTEL. Contemplemur in eā magnam animi tranquillitatem; relinquebat filio, curam temporis, & totius rei: certa quod faceret id, quod esset ex obsequio Dei. **REFL.** Nos verò postquam superiori, quem Dei loco habemus, exposuimus res nostras, sæpè manemus in animi perturbatione, & inquietudine.

VOL. Accusemus nos, & doleamus de hoc vitio, decernamusque deinceps melius observare Reg. 46 summ. quæ præscribit, *ut cum verbo aut scripto brevi (ne excidat memoria) superiori rem exposuerint, ei totam curam rei exposita relinquunt, &c.*

M 3

Pun-

PUNCTUM II. VERBA. MEM. *Dicit eis Jesus: haurite nunc, & ferte Architriclino. Joan. 2.*

INTEL. Pergit Christus hisce verbis probare, exercere cœcam obedientiam Ministrorum. Non dicit de vino: non dicit aquam in vinum conversam: sed *nunc*, hoc est, postquam aquam hydrias implevistis, facite, quod porrò dicturus sum, idque cœco modo, nihil interrogantes, nihil contradicentes, haurite ex hydriis, & ferte Architriclino.

REFL. Consideremus, quàm hæc omnia conforma sint Regulis nostris & Epistolæ S. P. Nostri, *de obedientiâ.*

VOL. Gratias Deo agamus pro tam salutari doctrinâ obedientiæ, quam B. Virgo Ministros docuerat, & quam Christus suis verbis, & imperiis tam luculenter probavit: excitemus fiduciam erga Christum, quod, si ita obedientes fuerimus, ipse etiam aquam tribulationis nostræ, sit mutaturus in vinum consolationis.

PUNCTUM III. OPERA. MEM. Christus convertendo aquam in vinum *manifestavit gloriam suam* Joan. 2.

INTEL. Christus semper hoc habuit præ oculis, ut miraculis, ac omnibus verbis & operibus suis semper divinitatis suæ, hoc est, Dei gloriam manifestaret. Ideò postea dixit Joan. 17. Patri suo: *Manifestavi nomen tuum hominibus.*

REFL. Concludamus, nobis quoque incumbere per opera nostra omnia gloriam Dei manifestare. *Sic luseat lux vestra coram hominibus, ut videant opera vestra bona, & glorificent Patrem vestrum, qui in Cœlis est.* Matth. 5.

VOL. Renovemus affectus conceptos in Meditatione *Fundamenti*, de fine, ob quem creati sumus, scilicet ad laudandum Deum, & altè cordi ac memoriæ imprimamus illud Societati JESU proprium: *Ad majorem Dei Gloriam.*

COLLOQ. Quo petamus gratiam, ut per obedientiæ perfectæ viam, fini nostræ creationis, & etiam vocationis nostræ, laudando Deum, ejusque gloriam ubique manifestando, satisfaciamus. RECOLLECTIO. REPETITIO. APPLICATIO SENSUUM.

MEDITATIO LIV.

De fugatis è Templo negotiatoribus, primâ vice. Joan. 2.

Myst. punct 1.

CONG. De more. *PRÆL. I. Quomodo Christus eiecerit de Templo, vendentes illic & eementes, factæ ex funiculis flagello.*

PRÆL. II. Formam Templi oculis objicere.

PRÆL. III. Petere donum fortitudinis ad pugandum zelosè contra diabolum, qui nos cupiditate rerum temporalium, tamquam laqueo, vult subjugare.

PUNCTUM I. PERSONÆ. MEM. Intueamur homines in Templo vendentes & eementes.

INTEL. ET Templo oculos circumferamus per totum

M 4

tum